

Claustra, ils 4 da zercladur 2025

L'emprima badigliada per l'implant d'energia solara alpin Madrisa Solar

Ils 4 da zercladur cumenzan uffizialmain las lavurs da construcziun per l'implant d'energia solara Madrisa Solar. Il project è in'iniziativa cuminaivla da la vischnanca da Claustra, da Repower e da las Ovras electricas dal chantun da Turitg EKZ en il rom dal Solarexpress federal. Ina part da l'energia solara generada nizzegian las pendicularas da Claustra-Madrise directamain al lieu per lur manaschi. Enfin la fin dal 2025 duain var 15 pertschient da l'implant esser en funcziun.

L'implant d'energia Madrisa Solar vegn construì sur Claustra sin var 2000 meters sur mar. En il stadi final dispona el d'ina efficienza productiva da 12 megawatt e furnescha, grazia a sia posiziun optimala, var 17 uras megawatt forza electrica ad onn - passa 40 pertschient da quella l'enviern, cura che la Svizra è particularmain dependenta da funtaunas d'energia regenerablas fidablas. Il current solar producì retiran d'ina vart las EKZ per las clientas ed ils clients en l'agen intschess da providiment, da l'autra vart las pendicularas da Claustra-Madrise. Quellas nizzegian la forza electrica directamain al lieu per lur manaschi.

Ina contribuziun per cuvrir la mancanza d'energia durant l'enviern

Cun Madrisa Solar contribueschan Repower ed EKZ sco grondas interpresas d'energia e la vischnanca da Claustra sco citad d'energia ina part concreta per cuvrir la mancanza d'energia durant l'enviern e per garantir in providiment d'electricitad segir en Svizra.

Hansueli Roth, president communal da Claustra: «La suprastanza communal da Claustra è fitg cuntenta e superbia che quest project exemplaric en il sector da la producziun d'energias regenerablas po finalmain vegnir construì suenter la fasa da preparaziun ordvart pretensiusa. En il rom dal project è incumbensas impurtantas vegnidas surdadas ad interpresas indigenas. Quest fatg sco era la circumstanza che la vischnanca da Claustra po nizzegiar sezza ina part da la forza electrica producida da la Madrisa Solar legra nus ordvart.»

Michael Roth, manader dal sector producziun & rait da Repower e commember da la direcziun: «Suenter ina fasa da planisaziun intensiva ed ina procedura d'approvaziun pretensiusa cun numerusas partidas involvidas ans renda il cumenzament da las lavurs da construcziun fitg cuncts.»

Paul Sidler, manader dal sector energias regenerablas da las EKZ: «Cun Madrisa Solar ans

engaschain nus ina giada dapli per in provediment d'energia segir ed ecologic en Svizra. Ultra da quai contribuescha quest project da pionier cumplex a moda essenziala al current d'enviern ch'è urgentamain necessari.»

Era las scholaras ed ils scholars da la 5avla e 6avla classa primara da Claustra Plaz han s'occupà da l'avegnir energetic da lur vischnanca. A chaschun da l'emprima badigliada èn lur ideas visiunaras davart il tema vegnidas sutterradas en ina capsla dal temp per las preservar per generaziuns futuras.

Agenda e construcziun

Suenter che la populaziun da la vischnanca da Claustà ha già approvà l'october 2023 il project da Madrisa Solar, han cumenzà l'atun 2024 las emprimas prelavurs. Enfin la fin dal 2025 duain var 15 pertschient da l'implant esser en funcziun. Per la fin da l'onn 2027 duai l'implant solar funcziunar dal tuttafatg. Las lavurs da planisaziun e da realisaziun da Madrisa Solar han per gronda part pudì vegnir fatgas d'interpresas domiciliadas en la regiun.

Dapli infurmaziuns davart Madrisa Solar chattais Vus sin las paginas-web dad [EKZ](#) e [Repower](#).

Contacts

Repower AG
post da medias
t +41 81 423 77 00
medien@repower.com

EKZ
post da medias
t +41 58 359 52 55
medienstelle@ekz.ch

Vischnanca da Claustra
president communal Hansueli Roth
t +41 81 423 36 01
hansueli.roth@gemeindeklostern.ch

Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milaun. Repower è activa lung l'entira chadaina da valurisaziun da l'electricitad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.

EKZ

Las Ovras electricas dal chantun da Turitg EKZ èn ina da las furnituras d'energia las pli grondas da la Svizra e provedan var in milliun umans a moda fidada cun forza electrica regenerabla per 100 pertschient. Las var 1570 collavuraturas e collavuratur da la gruppa EKZ s'engaschan per in avegnir energetic persistent: cun amplifitgar l'energia eolica, idraulica e solara e cun porscher tecnologias smartas sco pussaivladads da chargiar per l'electromobilitad. Las EKZ planiseschan, construeschan e mantegnan ina rait electrica da prest 17 000 kilometers lunghezza ch'è disponibla surproporziunalmain cun 99,998 pertschient. Da la clientella da las EKZ fan part persunas privatas, interpresas ed autras furnituras d'energia svizras. Sco ina da las interpresas d'emprendissadi las pli grondas en il chantun da Turitg scoleschan las EKZ 155 spezialistas e spezialists en diesch professiuns cun imprendissadi.